

【國家社會科學基金重大項目】

何建明

主編

中國地方志
佛道教文獻匯纂

寺
觀
卷

(111)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

寺觀卷

（111）



國家圖書館出版社

中國地方志佛道教文獻匯纂·寺觀卷
浙江省 杭州市

臨安志


宋·潛說友纂

宋咸淳四年（一二六八）纂

清道光十年（一八三〇）錢塘汪氏振綺堂刻本









同治六年補刊

六





同治六年補刊

七







咸淳臨安志卷之十三

行在所錄

宮觀

太乙宮

在新莊橋南始於 太平興國初卽 京都祠五

福太一 駐蹕以來歲祀於惠照僧舍言者以爲

未稱請卽 行宮北隅擇爽塏地建祠 詔禮寺

討論權宜設位塑十神像按十神者曰五福君棊

大游小游天一地一四神臣棊民棊直符几行五

宮四十五年一移所臨之地歲稔無兵疫 紹興

十七年遂命兩浙轉運司度地建宮十八年三月成凡一百七十四區殿門曰崇真大殿曰靈休挾殿曰瓊章寶室

皇帝本命殿曰介福三清殿曰金闕寥陽齋殿曰齋明又用禮部侍郎沈該言國家乘火德王天下宜卽道宮別立殿專奉火德配以閼伯祀以夏至遂又建殿曰明離扁皆

高宗皇帝御書兩廡繪三皇五帝日星嶽瀆九宮貴神等與從祀一百九十有五大略如太平興國舊制每祀用四立日設籩豆簠簋尊罍如上帝

禮兩廡以次降殺 車駕嘗親謁焉

孝宗皇帝建 本命殿曰崇禧 乾道間以旱

親禱卽日雨 淳熙四年重建道藏成

御書瓊章寶藏以賜十三年又

御書鐘樓曰瓊音之樓

光宗皇帝改介福殿爲 崇福

寧宗皇帝嘉定二年五福太乙自遼東來入吳越

遂以冬至日迎奉從太史局之 奏也

又奏若恃其五福不

修德政則反爲兵災

理宗皇帝建 長生殿以奉南極

今上皇帝建通眞殿以奉佑聖 申祐殿以奉

元命 順福殿以奉

皇太后元命而易長生之名曰 延壽四殿皆

御書

臻福觀

孝宗皇帝嚴事北斗 乾道八年建殿以舊齋

殿爲之 淳熙三年更建觀令附太乙宮名觀

與殿皆曰璇璣 咸淳三年改觀曰臻福殿曰

北辰皆 錫以

御扁

崇真館

在宮之南正堂丈室皆

寧宗皇帝御書扁齋八曰觀妙潛心泰定集虛
頤真集真洞微虛白

武林亭

在宮之後有小坡亭其上舊扁曰武林

理宗皇帝御書二字以

賜詳見虎林山

西太乙宮

在孤山 淳祐十二年太史局奏太乙臨梁益請

用 天聖故事建西太乙宮有